

宋

史

百二一

卷之三

七

七

列傳卷第一百九十一

宋史四百三十二

閩僑司上樞錄軍國事前書奏籍嚴嵩領經筵事都總裁吳曉等奉

勅修

儒林二

胡旦

賈同

劉頤

高弁

孫復

石介

胡瑗

劉羲叟

林槧

李觀

何涉

王回弟向

周堯卿

王當

陳暘

胡旦字周父濱州渤海人少有雋才博學能文辭舉進士第一為將作監丞通判昇州時江南初平汰李

氏時所度僧十減六七曰曰彼無田廬可歸將聚而為盜悉黥為兵遷左拾遺直史館數上書言時政利病出為淮南東路轉運副使知海州踰年召歸先是盧多遜貶趙普罷相其夏河決韓村尋復塞旦獻河平頌曰天祚我宋以君兆民配天成休惟堯與隣粵有大水昏墊下人非曰聖作孰究孰度蔽賢者退壅澤者罪我防大患河豈云敗逆遜遠投姦普屏外聖道如隄崇崇海內帝曰守文是塞是親調爾衛兵程是烝庶民以盡力臣以勤職役云其終河以之塞唐堯懷山實警神德漢武宣防實彰令式我塞長河融

流惠澤明聖功萬代成則太宗覽頌有逆遜姦普  
之語召宰相謂曰胡旦獻頌詞意悖戾朕自擢於甲  
科歷試外任所至無善狀知海州日為部下所訟獄  
已具適會大赦朕錄其材而捨其過尚令在近列又  
領史職乃敢恣脣臆狂躁如此其亟逐之即貶殿中  
丞商州團練副使上平燕議曰今幽州在北門之外  
東封非國家所急願移其資以事北伐且天時地利  
人事皆有可伐之意歲之所臨其地受福今年春末  
至來年歲在宋分今年初秋至六年鎮在燕分從今  
年為備至來春興師北兵之遇春夏則氈裘皮履羊

弓塞馬不為用而中原士卒素不能寒往北逢暄筋  
力勇健以勇健之士驅不用之敵承福慶之時討災  
殃之城成功立事在于此矣長淮以北太行以東河  
水罷災土地甚沃因其豐實取其穀帛減價以折納  
見錢以貴糴官府多積兵役無虞用兵豐財可濟大  
事太原克復以來于今七載兵甲甚利士卒甚雄夜  
寢晨興寒裘飢粟若以促裝之賜發軍而用之恩賞  
之賞成功而賚之可以齊心平敵恢拓舊境幽州平  
土而負敵為勢必擇四人分之方面以剛斷勇毅者  
主之選和平恭慎者一人部之幽州之北皆是山谷

通人馬者不過十處領將士者亦擇十人同行則共  
議兵機分出則各司軍事寇來則同戰以驅逐寇歸  
則畫疆以扞蔽苟塞斷山路餘寇在燕與大軍相持  
則遷延其時以度春夏寇不能熟有退無前使士之  
剛勇與才力者各為一將多則分部扞敵攻城兩盡  
其力定其軍名實其軍數我寡彼多則力不勝我實  
彼虛則勝有餘力均則較其地形地均則爭其謀略  
分明勇怯各致其用以茶鹽香藥之價十分減二從  
新者先賣於邊城要路軍馬屯所以芻粟錢帛之價  
十分增二納貨以出券者詣本場以交貨得貨者緣

逐路以納稅出往來四方之饒為兩地費用之耗自然商得其利則買之於人人得其資則勤之於穡故必民效兼倍之力國貯九年之積科撥不假於度支轉般何勞於漕挽芻粟之給攻具之用委輸發運以為後繼今將用二十萬之衆役三十州之民願陛下明降日月之信先示雨露之澤民知信賞則悅而忘死士得仰給則死而力戰如此則逆壘不足下猾寇不足殄也起為左補闕復直史館遷脩撰預修國史以尚書戶部員外郎知制誥遷司封員外郎有傭書人翟頽者嘗與之善因為改姓名馬周以為唐馬

周復出上書詆時政且自薦可為大臣又舉材任公輔者十人其辭頗壯當時皆謂旦所為馬周坐流海島旦亦貶坊州團練副使坐擅離所部謁宋白于鄜州既被劾特釋之徙絳州稍復工部員外郎直集賢院遷本曹郎中知制誥史館修撰素善中官王繼恩為繼恩草制辭過美繼恩敗真宗聞而惡之貶安遠軍行軍司馬又削籍流潯州咸平初移通州團練副使徙徐州以祠部員外郎分司西京又為保信軍節度副使久之以司封員外郎通判襄州封泰山改祠部郎中服母喪既除乃言父卒時嘗詔奪哀從事請

追行服三年已而失明以秘書省少監致仕居襄州再遷祕書監卒旦喜讀書旣喪明猶令人誦經史隱几聽之不少輟著漢春秋五代史略將帥要略演聖通論唐乘家傳三百餘卷斲大硯方五六尺刻而瘞之曰胡旦修漢春秋硯晚尤黯貨于擾州縣持吏短長為時論所薄旣死子孫貧甚寓柩民間皇祐未知襄州王田為言於朝得錢二十萬以葬

賈同字希得青州臨淄人五代時楊光遠反同祖崇率鄉里四百餘家保愚谷山全活者二千人同初名岡字公竦篤學好古有時名著山東野錄七篇年四

十餘同進士出身真宗命改今名王欽若方貴盛聞  
同名欲致之固謝不往居八九年始補歷城主簿張  
知白薦為大理評事通判兗州天聖初上書言自祥  
符以來諫諍路塞丁謂乘間造符瑞以欺先帝今謂  
姦既白宜明告天下正符瑞之謬罷官觀崇奉歸不  
急之衛兵收無名之實費使先帝免後世之議國家  
無因循之失又言寇準忠規亮節疾惡擯邪自其貶  
黜天下之人弗見其罪宜還之內地以明忠邪善惡  
之分時章獻太后臨朝而同言如此人以為難再遷  
殿中丞知棣州卒劉頴李冠王無忌及其門人謚同

曰存道先生

劉顏字子望彭城人少孤好古學不專章句師事高  
弁舉進士第以試祕書省校書郎知龍興縣坐法免  
久之授徐州文學居鄉里教授數十百人採漢唐奏  
議為輔弼名對馮元劉筠錢易勝涉蔡齊上其書除  
任城主簿歲饑發大姓所積粟活數千人李迪知兗  
州青州皆辟為從事卒著儒術通要經濟樞言復數  
十篇石介見其書歎曰恨不在弟子之列子庠自有

傳

高弁字公儀濮州雷澤人弱冠徒步從紳放學于終

南山又學古文于柳開與張景齊名至道中以文謁  
王禹偁禹偁奇之舉進士累官侍御史諫修玉清昭  
應宮降知廣濟軍尋以戶部判官試開封府進士私  
發糊名奪二官稍復知單州邢州鹽鐵判官河決澶  
州請弛隄防縱水所之可省民力且以扼契丹南向  
議寢知陝州卒弁性孝友所為文章多祖六經及孟  
子喜言仁義有帝則三篇為世所傳與李迪賈同陸  
參朱頓伊淳相交善石延年劉潛皆其門人也

孫復字明復晉州平陽人舉進士不第退居泰山學  
春秋著尊王發微十二篇大約本於陸淳而增新意

石介有名山東自介而下皆以先生事復年四十不娶李迪知其賢以其弟之子妻之復初猶豫石介與諸弟子請曰公卿不下士久矣今丞相不以先生貧賤欲託以子宜因以成丞相之賢名復乃聰孔道輔聞復之賢就見之介執杖屢立侍復左右升降拜則扶之其往謝亦然介旣為學官語人曰孫先生非隱者也於是范仲淹富弼皆言復有經術宜在朝廷除祕書省校書郎國子監直講車駕幸太學賜紺衣銀魚召為邇英閣祗候說書楊安國言其講說多異先儒罷之孔直溫敗得所遺復詩坐貶虔州監稅徙泗

州又知長水縣簽書應天府判官事通判陵州未行  
翰林學士趙槩等十餘人言復經為人師不宜使佐  
州縣留為直講稍遷殿中丞卒賜錢十萬復與胡瑗  
不合在太學常相避瑗治經不如復而教養諸生過  
之復既病韓琦言於仁宗選書吏給紙筆命其門人  
祖無擇就復家得書十五萬言錄藏祕閣特官其一  
子

石介字守道兗州奉符人進士及第歷鄆州南京推  
官篤學有志尚樂善疾惡喜聲名遇事奮然敢為御  
史臺辟為主簿未至以論赦書不當求五代及諸偽

國後罷為鎮南掌書記代父丙遠官為嘉州軍事判  
官丁父母憂耕徂徂山下葬五世之未葬者七十喪  
以易教授于家魯人號介徂徂先生入為國子監直  
講學者從之甚衆太學繇此益盛介為文有氣嘗患  
文章之弊佛老為蠹著怪說中國論言去此三者乃  
可以有為又著唐鑑以戒姦臣宦官宮女指切當時  
無所諱忌杜衍韓琦薦擢太子中允直集賢院會呂  
夷簡罷相夏竦既除樞密使復奪之以衍代章得象  
晏殊賈昌朝范仲淹富弼及琦同時執政歐陽脩余  
靖王素蔡襄並為諫官介喜曰此盛事也歌頌吾職

其可已乎作慶曆聖德詩曰於惟慶曆三年三月皇  
帝龍興徐出闈闈晨坐太極晝開闈闔躬覽英賢手  
鉏姦杵大聲颯颯震搖六合如乾之動如雷之發昆  
蟲躡躅怪妖藏滅同明道初天地嘉吉初聞皇帝感  
然言曰予祖予父付予大業予恐失墜實賴輔弼汝  
得象殊重慎微密君相予久予嘉君伐君仍相予笙  
鏞斯協昌朝儒者學問該洽與予論政傳以經術汝  
貳二相庶績咸秩惟汝仲淹汝誠予察太后乘勢湯  
沸火熱汝時小臣危言棄業為予司諫正予門闈為  
予京兆聖予讒謗賊叛予夏往予式遏六月酷日大